

Izjava OHR-a na konferenciji za medije međunarodnih organizacija u Mostaru

OHR pozdravlja napredak FBiH na zahtjevima Studije izvodljivosti

Komisija za harmonizaciju Doma naroda Federacije juče je usvojila jedan od ključnih Zakona koji je postavljen kao zahtjev Bosni i Hercegovini u Studiji izvodljivosti.

Zakon o električnoj energiji otvara put za sljedeću fazu deregulacije sektora električne energije. Ovo je uslijedilo nakon proslojedmičnog usvajanja Akcijskog plana za električnu energiju BiH, čime je napravljen značajan napredak iz Studije izvodljivosti.

Liberalizacija u području električne energije u komunalni će sektor uvesti konkurenciju, a moguće je da će rezultat toga biti niže tarife za preduzeća i domaćinstva i da će BiH, koja je jedan od samo dva izvoznika električne energije u ovoj regiji, na taj način ostvariti veće devizne prihode.

Taj bitan zakonodavni napredak u pogledu zahtjeva iz Studije izvodljivosti pokazuje kako Vlada i Parlament mogu raditi zajedno na ključnim strateskim reformama. Očekujemo da će Komisija za harmonizaciju Doma naroda Federacije brzo djelovati po pitanju ove zakonske regulative.